

Sakspapir

Saksnr	Utvalg	Type	Dato
024/22	Eldrerådet	PS	15.11.2022

Sakshandsamar	Arkiv	ArkivsakID
Ketil Tjore	FE-033	22/1170

Innspel til budsjett 2023 og handlings- og økonomiplan 2023-2026

Framlegg til vedtak:

Eldrerådet kjem i møtet fram med sitt innspel til budsjett og økonomiplan:

Eldrerådet sitt innspel til budsjett og økonomiplan: Eldrerådet ber om at kommunedirektøren kjem med eit tillegg i tekstdelen til budsjettet, som gjev ein plan/strategi for å lukkast med å få fleire til å bu heime lengre. Dette bør innehalda mellom anna:

- Omtale av tilpassing av bustaden, det kan vera tilskot til tilrettelegging, råd om korleis ein kan få rimelege lån i Husbanken, og anna rådgjeving.
- Omtale av tilrettelegging av det sosiale ved å bu heime, med tilbod om å treffa andre slik at ein unngår einsemd.
- Eldrerådet merkar seg at andre kommunar har etablert prosjektgrupper som jobbar med "Leve heile livet"-prosjektet, og ønskjer seg ei tilsvarande prosjektgruppe i Austrheim.

Eldrerådet - 024/22

ER - behandling:

Reidar Øksnes etterlyste at administrasjonen informerer om korleis ein skal lukkast med at fleire bur heime lengre. Kva er strategien kring dette, bør komma med som eit vedlegg i tekstdelen på budsjettet som seier noko om dette. Treng ikke vera berre det tekniske i heimen, men også problematikk rundt einsemd og det å komma inn og få middag og sosialt samvær.

Gro Johannessen viste til at andre kommunar har jobba med "Leve heile livet" der nettopp dette er i fokus.

Ivar Bergsvik etterlyste ein plan/strategi for korleis ein skal få fleire til å bu heime lengre. Det kan vera tilskot til tilrettelegging, hjelp med rimelege lån i Husbanken, råd om tilpassing og liknande. Ivar Hopland sa at det er kostbart med tilrettelegging, bra om kommunen kan komma med kva tankar dei har kring å hjelpa med dette. Kommunen kan spare mykje på at det er færre institusjonsplassar i bruk, ved at folk klarer seg heime.

Solveig Hopen viste til at det er eit godt samhald der folk støttar opp om kvarandre i nabolaget, slik at dei kan ha det godt om dei bur i huset sitt så lenge som mogleg,

Handsaming i rådet:

Kommunedirektøren sitt framlegg vert samrøystes vedteke

ER - vedtak:

Eldrerådet sitt innspel til budsjett og økonomiplan: Eldrerådet ber om at kommunedirektøren kjem med eit tillegg i tekstdelen til budsjettet, som gjev ein plan/strategi for å lukkast med å få fleire til å bu heime lengre. Dette bør innehalda mellom anna:

- Omtale av tilpassing av bustaden, det kan vera tilskot til tilrettelegging, råd om korleis ein kan få rimelege lån i Husbanken, og anna rådgjeving.
- Omtale av tilrettelegging av det sosiale ved å bu heime, med tilbod om å treffa andre slik at ein unngår einsemd.
- Eldrerådet merkar seg at andre kommunar har etablert prosjektgrupper som jobbar med "Leve heile livet"-prosjektet, og ønskjer seg ei tilsvarande prosjektgruppe i Austrheim.

Saksopplysninger:

Bakgrunn

Framlegget til årsbudsjett for 2023 og økonomiplan for 2023-2026 er lagt ut på høyring av formannskapet, etter vedtak i møtet torsdag 3. november.

- Budsjett og økonomiplan er tilgjengeleg digitalt gjennom Framsikt-løysinga. Dette er ei digital presentasjonsløyning som kommunen no brukar for oppsett og presentasjon av budsjett, årsmelding med meir.
- Du finn framlegget ved å klikka på lenkja: https://pub.framsikt.net/2023/austrheim/bm-2023-h%C3%B8p_2023-2026/#/
- Der er hovudtala for kvar sektor, og ved å gå inn på den enkelte sektoren kan du finna tal på detaljnivå for den enkelte sektor.
- Sjølve vedtaksframlegget som kommunedirektøren hadde i formannskapet ligg på denne lenka på kommunen sine heimesider: [Kommunedirektøren sitt framlegg til Handlings- og økonomiplan 2023-2026 og budsjett 2023 \(sing.no\)](#)
- Formannskapet har sett høyringsfristen til fredag 25. november klokka 12.00.
- Formannskapet skal handsama budsjettet og innspela i møtet måndag 5. desember, og det skal så vidare til endeleg vedtak i kommunestyret torsdag 15. desember.

Konklusjon

Eldrerådet kjem i møtet fram med sitt innspel til budsjett og økonomiplan: